

Ekstra jild Fryske basisskoallen

Fryske skoallebestjoeren krije miljoen ekstra jild troch in nije ferdieling fan it saneamde “Uitkering van achterstandsgeld” sa hat it ministerie fan ûnderwiis bekend makke.

De gemeente Hearrenfean krige foar 2018 233.000 euro en no fanôf 2019 jierliks 716.000 euro.

Nei oanlieding fan dit beslút fan de minister hat de FNP twa fragen:

1. Wat waard oant no ta mei de 233.000 euro dien?

De gemeente It Hearrenfean krijt yn 2018 € 233.000 oan ûnderwiisachterstansjild. Dat jild wurdt troch de gemeente ynsetten om te foarsjen yn in oanbod fan foarskoalske edukaasje (WE) oan bern yn de leeftiid fan 2 oant 4 jier âld mei in VVE-yndikaasje ûnderwiisachterstandsmiddelen, om sa ûnderwiisachterstannen al yn de foarskoalske fase te bestriden. Pjutter krije fan de jeugdferpleechkundigen op it konsultaasjeburo in WE-yndikaasje as der sprake is fan (in risiko op) in spraak- of ûntwikkelingsachterstan, of as der sprake is fan in yndikaasje 'Stevig Ouderschap'. Mei dit jild wurdt foarsjoen yn in WE-oanbod foar dizze pjutter. Twajierrige pjutter krije twa dei-dielen oanbean fan yn totaal seis oeren en pjutter fan trije jier krije in oanbod fan fjouwer dei-dielen fan yn totaal 12 oeren. Hjirtroch is it oanbod fan de gemeente It Hearrenfean twa oeren mear oan trijejierrige WE-doelgroep-pjutter as de eask fan it Ryk út fan tsien oeren.

Dêrneist wurde de middelen ynsetten om garansjes te jaan foar de kwaliteit fan WE yn us gemeente. Per WE-pjut wurdt in bedrach fan €421,- jûn oan de aanbieders om derfoar te soargjen dat sy foar de kwaliteit fan harren VVE-oanbod steane. Ek wurdt der fan de middelen út oan kwaliteitsferheging dien fan de pedagogysk meiwurkers dy't op in VVEgroep wurkje. Sy moatte mei yngong fan 01-08-2019 allegear foldwaan oan de taaleask 3F. Foar de toetsing en training fan dizze meiwurkers wurdt subsydzje frijmakke út de middelen en beskikber steld oan de aanbieders. En dêrneist noch wurde de middelen ynsetten om de kwaliteit fan WE op gemeentelik nivo te behalden en te ferbetterjen. Der wurdt fanút de middelen in WE-koördinator oansteld dy't ûnder oaren ferantwurdlik is foar it meitsjen fan ôfspraken mei aanbieders oer de kwaliteit fan it VVE-oanbod, it meitsjen fan ôfspraken per wenservicezône tusken skoallen, berneopfangorganisaasjes en wolwêzenstiftings oer resultaten, trochgeande learlinen, eksterne soarch, âlderpartisipaasje en begelieding fan VVE-pjutter.

2. Wat kin de gemeente no mear dwaan mei dit ekstra jild?

De lanlike ûnderwiisachterstansmiddelen wurde op in oare wize ferdielt. De gemeente It Hearrenfean mei dêrom rekkenje op in skerpe ferheging fan dizze jilden: fia in opbouregeling krijt de gemeente yn 2022 €716.000. Dit jild sil foar in part ynset wurde

moatte om de troch it Ryk frege kwaliteitsympuls foar WE troch te fieren. Sa wurdt yn 2020 fan gemeenten ferwachte dat se in minimaal VVE-oanbod fan 16 oeren yn 'e wike wiermeitsje. Fan ut it Ryk wei wol men dêrnjonken ynfestearje yn kwaliteit fan foarskoalske edukaasje troch mear professionals mei in hbo-oplieding yn te setten.

Neist dizze ferplichtings bliuwt der neffens ferwachting in (grut) part fan it jild oer om op in oare wize yn te setten foar ekstra ûntwikkelings. Hjirfoar binne ferskate senario's mooglik. Foar in earste utwurking fan dizze senario's ferwize we jo nei de brief dy't op 19 juny oan jo ried ferstjoerd is.
